



ORGANO DE TUTMONDA ESPERANTISTA JURNALISTA ASOCIO (TEĴA)

L. Mareda

ĈU LA MAŜINOJ POVAS ANSTATAŬI LA LABORON DE LA JURNALISTOJ

Ne, ne povas. Sed ili efektivas sur ĝin grandan influon, kaj en iuj kazoj eĉ esence ŝanĝas ĝian karakteron. Kun tio-ĉi konsentis ĉiuj delegitoj, partoprenintaj la kolokvon en Praga la pasintan jaron. La internacia Asocio pri esplorado de la rimedoj de amasinformado kaj la identa instituto ĉe Karl-Universitato en Praga invitis al la kolokvo specialistojn en la sistemo por preparado de ĵurnalistoj el pluraj landoj de Eŭropo kaj Ameriko. Ĉeestis ankaŭ reprezentantoj de UNESKO — s-ro Lankŝman Rao (Hindio).

En la kolokvo estis eldiritaj pensoj pri tio: kiajn ŝanĝojn en la preparado de ĵurnalistoj postulas la aŭtomatigo de la poligrafia produktado, la aplikado de kalkularaj instalaĵoj en la redakta laboro, utiligo de artefaritaj satelitoj de la terĝlobo en la tekniko de komunikado ktp. Kaj ni devas diri, kvankam la opinioj de la partoprenantoj de la kolokvo pri diversaj demandoj iam diferencis, ili ne estis evidentaj kontrandiroj.

Tra la tuta diskutado dominis la penso, eldirita de la prorektorino de Karl-Instituto Eduard Goldŝtjucker, ke la demando estas ne tiom pri la utiligado de novaj maŝinoj kaj instalaĵoj, sed ĉefe helpe de la nova tekniko, el humanaj pozicioj, sencaltigi la homan vivon.

Ĉefraporton faris la delegito el Ĉeĥoslovakio Vladimír Klimeš. Li parolis pri la aktualaj problemoj por preparado de ĵurnalistoj konekse al la teknika progreso en la sistemo de amasa informado. Laŭ lia opinio, estas necese aplikadi la modernan teknikon en la redakcioj antaŭ ĉio en la laboro de la do-

kumentado de la plej gravaj informoj en la granda torrento de novaĵoj, kiujn ĉiunminute vomas la informagentejoj de la tuta mondo.

La uzado de la nova tekniko en la redakcio postulas certan helpan kaj teknikan personaron. Tiel la ĵurnalistoj estos liberegigitaj de pure mekanika, ofte tre malfacila kaj iukaze tute superforta, laboro kaj havos pliajn eblecojn sin okupi per krea aktiveco.

Prof. Franc Knipping (GDR) en sia raporto sin bazis sur tri principoj:

la aŭtomatigo de la poligrafia produktado kreas principe novan teknikan presbazon;

en la poligrafio, en treege pli alta grado ol ĝis nun, estos utiligata nemio kaj elektroniko;

la teknika progreso efektigos grandan influon al la organizo de la laboro en la gazetproduktado.

Prof. Knipping esprimis penson, ke la estonta ĵurnalistoj, krom la vasta ĝenerala kulturo, devas konatigi kun la tekniko kaj metodologio de la scienca pensado. Krom informojn pri la disvolvigo de la sociaj kaj naturaj sciencoj, la instruistoj devas doni al la ĵurnalistoj konojn pri la principoj de la kibernetiko, elektroniko, psikologio, sociologio, statistiko kaj logiko. Oni devas instrui la estontajn laboristojn en la presproduktado kompreni bone la principojn de la laboro per modernaj rimedoj de vasta informado.

D-ro Fric Haubaŭf, reprezentanto de la Sindikato de la aŭstria ĵurnalistoj, dediĉis sian raporton al la problemoj pri la sociaj konsekvencoj de la teknika progreso en la ĵurnalistiko. La raporton konsistigas pluraj

demandoj, kiel ekzemple: ĉu la teknika progreso ne signifas, ke la bezono de ĵurnalistaj laboristoj reduktiĝos; ĉu prave estas supozoj, ke en plua tempo grandiĝas la intereso legi gazetojn kaj ĵurnalojn? D-ro Haubauŝ emfazis, ke de la respondoj de tiuj-ĉi demandoj dependas ne nur la sociala stato de la ĵurnalistoj, sed ankaŭ ilia kapablaĝo.

Kvaran raporton faris la itala profesoro Francisko Fatorello. Li supozas, ke kune kun la kresko de la intereso al specialigita informado, kreskas la bezono de ĵurnalistoj-specialistoj.

En sia diskuto la dekano de la ĵurnalista fakultato ĉe la universitato de Moskva — Jasen Zasurskij koncerne diversajn opiniojn en la kolokvo parolis speciale pri la aprezado de la eblecoj de la maŝinoj, kiuj, li emfazis, ĉiam estos nur instrumento en la manoj de la ĵurnalistoj. Kun tiu-ĉi vidpunkto konsentis ankaŭ prof. Raymond B. Nikson, direktoro de ĵurnalista fakultato ĉe la universitato de Minnesota (Usono), dirante en sia diskuto, ke la maŝinoj devas liberigi la

ĵurnalistojn de mekanika laboro kaj lasi al ili tempon por krea laboro.

Prof. Robert Lennart, direktoro de Supera Ĵurnalistika instituto en Lil (Francio), atentigis la ĉeestantojn en la kolokvo pri la fakto, ke la ĵurnalistoj — nun kaj estonte — devas labori en redakcioj. La aŭtomatigo sendube postulos de ili plibonigon de la labordisciplino, precizecon, metodecon, sed ĝi ankaŭ donos al ili sufiĉe da libera tempo kiun ili devas dediĉi al esploraj klopodoj de sia specialeco. Li parolis ankaŭ pri tio, ke al la studentoj de ĵurnalistiko oni devas eduki specialajn kvalitojn, kiuj estos al ili necesaj por laboro en la novaj kondiĉoj. Nome, krom la alta labordisciplino, kompreni la esencon de la teknika progreso, konscii la gravecon de la kolektiva laboro, strebi al objektiveco.

La partoprenantoj en la kolokvo voĉdonis decidajn kaj iniciatojn en la senco de la diskutoj.

(El la organo de I. O. J.)

El rusa: L. Marikin

MIL PREMIOJ KAJ MEMORDONACOJ

Pola Radio kune kun la Pola Olimpika Komitato anoncis novan Grandan Olimpikan konkuzion okaze de la somera olimpiko en Meksiko.

Al la aŭskultantoj oni starligas nur du demandojn: 1) Kiom da oraj medaloj kaj en kiuj branĉoj akiri la polaj sportistoj en la lasta olimpiko en Tokio.

2) En kiu branĉo konkurota en la olimpiko en Meksiko reprezentantoj de Pollando akiris la plej grandan nombron de medaloj, ekzemple: naĝado, gimnastiko, bokso, pafado, malpeza atletiko, biciklado, levado de pezaĵoj.

La venkintojn en la Konkurso atendas mil premioj kaj memordonacioj, inter kiuj senpagaj alvenoj por 12-taga ekskurso al Pollando. La ekskurso de la laŭreatoj okazos en periodo fiksota de Pola Radio. Al la partopreno en la lotado rajtigas ĝusta respondo al unu el la starigitaj demandoj. La partoprenantoj de la Konkurso, kiuj respondas trafe al ambaŭ demandoj, partoprenos krome lotadon de specialaj premioj.

La komunikilo pri la rezultoj de la konkurso estos anoncita la 30-a de novembro 1968 j. en ĉiuj niaj elsendoj.

Oni legeble kaj detale skribu la antaŭnomon, nomon kaj plenan adreson, kaj sur la koverto kromskribi: "Olimpika Konkurso". Bonŝancon! Respondojn al la demandoj oni alsendu ĝis la 15-a de oktobro 1968 j. inkluzive (decidas la dato de poŝta stampo) al la adreso: Pola Radio, Varsovio 1, BOX 46, Pollando.

„SOLIDARECO—PACO—AMIKECO“

Sub tiu titolo la prezidantaro de la Amatoro-Klubo „Orion-Televido“ de la plej granda hungara Radio kaj Televido entreprenitejo aranĝas grandskalan internacian foto-ekspozicion en novembro 1968. Ĉiuj fotoklubo, unuopaj fotoamatoroj povas partopreni kun bonaj fotoj en formato de 13×18 cm. Limdato: 20 de oktobro. La ekspozicio estas okaze de la Granda Oktobra Socialisma Revolucio.

Ĉion sendu al la adreso: Amatorfoto — Klubo „Orion — televido“ Kamarado Ervin Fördös, teknika defguidanto de la klubo.

Orion Mikro klaso 41.
Budapest. X. Jászberényi út 29.
Magyarország. Eŭropo.

REDAKCIA PETO

Ni petas ĉiujn kolegojn en la landoj, kie aperas fabrik-uzinoj, oficejoj, kooperativaj, kamparanaj kaj superinstitutaj kaj lernecaj gazetoj tuj kolekti materialojn (raportojn, informojn, instrukciojn, artikolojn) pri la organizo, eldono, redaktado kaj gvidado de tiuj-ĉi malgrandaj gazetoj. La redaktoroj mem de similaj periodaĵoj povus sendi rekte al la redakcio de „I. J.“ la petitajn materialojn en franca, rumana, bulgara, serbo-kroata, germana, hispana kaj Esperanto lingvoj. Urĝe! Anticipan dankon!

Kunlaboru al „Internacia Ĵurnalistoj!“ Ŝi estas via profesia organo.

Niaj kolegoj
rakontas.

ESPERANTO JE LA SERVO DE JURNALISTA AMIKECO

Aperis foto en n-ro 53 (5973) de la so-
veta urba ĵurnalo „Znamja“ (Standardo). Ĝi
montras titolojn de diverslanda gazetaro:
revuo — „Nungara Vivo“ kaj „Nuntempa
Bulgario“; ĵurnaloj — „Minista Fronto“ de
karbobaseno Marbas en Bulgario, ministaj
ĵurnaloj el GDR „Voĉo de Espenhein“ (urbo
Borna) kaj „Unuiginta Forto“ (urbo Ŭnitzt),
„Ĉeĥoslovakia Pioniro“ el ĈSSR, „Ministo“
el la Mongola Popola Respubliko.

Preskaŭ ĉio aperis dank' al la apliko de
Esperanto.

Niajn lerojn al la ministoj de GDR tra-
dukis en germanan lingvon la esperantistoj
Henriko Otto kaj Roberto Rosner.

Niajn gratulojn al la ministoj de ĈSSR
tradukis en ĉeĥan lingvon la forpasin'a ko-
nata esperantisto Josef Stankuŝ.

En la bulgaringva revuo „Karbo“ oni pre-
sigis artikolon de la ĉefingenerio de karbo-
minejo „Gita“ V. Iliev pri la ingenerio-kon-
struanto de mineja tekniko de nia urbo Uz-
lovaja-Jurij Natakov, kiu frate helpis al la
bulgaraj ministoj en la enkonduko de l' unuaj
karbokompleksoj „Tula“. La aŭtoro de tiu ĉi
artikolo, aplikante la grandan bulgaran-Espe-
rantan vortaron de Atanas Atanasov, tradu-
kis ĝin rusingve, kaj kun etaj mallongigoj
la rakonto pri amikeco aperis ĉi-jare en la
urba ĵurnalo, kies redaktoro Maria Miĥe-
jeva tre favore rilatas al la praktika uzo de
Esperanto en ĵurnalista agado.

En la supremenciitaj revuoj kaj ĵurnaloj —

Esperantaj kaj nacilingvaj — aperis kelk-
foje niaj artikoloj, kiuj plejparte raportas pri
la amikeco kun la ministoj de Uzlovaja. Sed
la plej granda parto de niaj artikoloj, dedi-
ĉitaj al diversaj aspektoj de amikeco, vo-
lonte publikigas „Nuntempa Bulgario“ — unu
el la plej popularaj Esperanto-revuoj.

Interesa estas la historio de la apero de
nia artikolo en la mongola gazetaro. Antaŭ
dek jaroj en karbominejo de Uzlovaja prak-
tikiis pli ol unu jaron, por havigi spertojn, la
mongola ministro Sambugijn Samdan. Li tra-
dukis pagon de nia urba ĵurnalo, dediĉitan
al la apliko de nova mineja tekniko, kaj
ĝin publikigis la mongollingva ĵurnalo „Mi-
nisto“.

Mankas sur la foto la titolo de pollingva
„Ilustrovany Kurier Polski“, kies respondeca
sekretario, la konata esperantisto Kazimiro
Malycha, en „Esperanto-angulo“ regule pre-
sigas informojn kaj artikolojn pri la intera-
mikigo de la popoloj pere de nia lingvo in-
ternecia. Unu el la informoj estis nomita
„IKP-Znamja“ — pri la frataj kontaktoj de
niaj du ĵurnaloj: pola regiona kaj sovena
urba.

Kresku ankaŭ estonte la signifo de Es-
peranto en la firmigo de l' amikeco de ĵur-
nalistoj-pac batalantoj!

Leo Fiŝbejn, mineja ingenerio,
membro de TEJA kaj Unuigo
de Sovetaj Ĵurnalistoj


Ĉiuj membroj de T.E.J.A. estas petataj tuj sendi slan membro —
aŭ abonkotizon por la pasintaj kaj por la nuna 1968 jaro al la komi-
tatanoj, al la reprezentantoj de T.E.J.A. aŭ rekte al la redaktoro de
„Internacia Ĵurnalisto“!



MIRINDA BELECO DE LA SOVETA NIGRAMARA BORDO

Ofte mi legis kaj aŭdis priskribojn pri la belaspekta kaj interesa nigramara bordo de Sovet-Unio. Mi rigardis fotojn, prospektojn, filmojn pri tiu suda parto de USSR.

Sed tio, kion mi vidis propraokule ĉi-somere, superis ĉiujn miajn imagojn. Partopreninte la ŝipan 14-tagan marekskurson, organizita de la Bulgaraj profunuigoj dum julio j. k. kune kun 60 instruistoj kaj 15 lernantoj, studantaj rusan lingvon, mi havis la feliĉan okazou viziti la plej interesan kaj pitoreskan sudan parton de tiu grandega lando. La favora vetero permesis al ni ĝui tre historiajn urbojn kaj la mirindan belecon de iliaj vidindaĵoj kaj precipe la ekzotikan laŭkaŭkazan marbordon.

Dum du tagoj unue ni trarigardis la historian urbon Odesa (vidu foton 1 — La stuparo de Potemkin, kie la caristaj soldatoj mortpafis la laborulojn). Kvar tagojn ni rigardis la subtropikajn vidindaĵojn de la urboj Soĉi, Gagra, Suhumi k. a. kun iliaj belegaj riprozdomoj por la laboristaro. Ni grimpis ankaŭ (autobuse) sur la Kaukaz-montego (foto 2 — ripozejo Garga, apud Soĉi, foto 3 — la subtropika urbo Suhumi. Kvar tagojn ni restadis en la fama bela ripozurbo Jalta en la Krimea duoninsulo. Krom la estintajn — reg- kaj prinpalacoj — nun laboristaj ripozdomoj (la palaco kie okazis la





Jaĵa konferenco), ni vidis ankaŭ multajn aliajn ripozdomojn.

Ni vizitis la infanan ripozurbeton Artek, la urbon Simferopol k. a. (Vidu fotojn 4 — „La Hirunda nesto“ — ripozkastelo en Jaĵa.

Teksto: *Ivan Esperov*

LIBERA TERITORIO DE LA INSULO DE LA ROZOJ

Eble neniu el vi konas tiun ĉi malgrandan ŝtaton (preskaŭ 400 kvadrattmetroj), tamen por ni Esperantistoj la „Insulo de la Rozoj“ reprezentas pli ol simpla geografia aŭ turisma kuriozaĵo. Tiu ĉi malgranda ŝtato, fakte, elektis Esperanton kiel oficialan lingvon, stampas monon kaj eldonas poŝtmarkojn kun Esperanta teksto. Nature, estas esperante skribitaj ankaŭ la Statuto, la leĝaro k. t. p.

La „Insulo de la Rozoj“ estas aparta ŝtato: ĝi troviĝas 12 km. malproksime de Rimini laŭlonge de la mara vojo Rimini-Pola, kaj staras firme ankrita sur ŝtal-betonaj abutmentoj enŝovitaj en la fundo de Adria Maro. Ĝi staras for de italaj teritoriaj akvoj, pro tio devas esti agnoskata kiel Sendependa Ŝtato.

Tiu ĉi insulo estis projektita kaj konstruita de Bologna ingeniero Giorgio Rosa, kiu konas la spiriton kaj la lingvon Esperanto.

La Bologna Esperanto Grupo, post permeso de la insula registaro, organizis viziton al Rimini kaj ekskurson al „Insulo de la Rozoj“ per boato kiam e ŝtos forigitaj la malgacilaĵoj kun la itala registaro, kiu okupis la insulon per maraj karabeneroj, doganistoj kaj policanoj.

(El „Itala Fervoĵisto“)

RICEVITAJ ELDONAĴOJ

— Kromĉiĝ — faldolia prospekto, bonege ilustrita, pri la interesa ĉeĥoslovaka urbo, nomata ankoraŭ „Ateno de Hana“. Liverebla ĉe: Sandi Ĉár, Husovo nám 230/15, Kromĉiĝ, Ĉeĥoslovakio.

— Literatira Kajero — monata kultur-literatura — en Esperanto. Adreso: Rua Baltasar Lisboa, 34 (ZC-11), Rio de Janeiro, CB, Brazilio (ab. — 3 dol.).

Book List — libro katalogo en angla lingvo pri E.-literaturo. Eldono de Brita E.-Asocio en Londono.

— Mallonge pri Ĉeĥoslovakio — 67 paĝa libreto de Boleslav Seldi, en E. ilustrita, pri-skribanta skize historiajn, ekonomiajn, kulturajn k. a. faktojn pri la ĈSS Respubliko.

— Suda Vjetnamio; 70 000 G. LJ. — jettitaj eksteren de batalo dum la dua seka sezono. Faldolia sublemento al la Vjetnama Paco, ilustrita.

— Sciindaĵoj pri Hungario — libreto 48-paĝa priturisma, ilustrita.

— Bulgarino — bonege ilustrita, grandformata revuo kultura de bulgaraj virinoj.

I. B. Hoves

Eu Moskvo mortis la fama Esperanto-poeto kaj aktivulo, membro de T.E.J.A. Isaak Borisoviĉ Hoves. La forpaso de nia eminentulo estas granda perdo por la soveta kaj la tutmonda-esperantistaro.

Tia anonco, skribita sur kelkaj ŝildoj, renkontis min el la hela kataloghalo de l' Tutunia regna biblioteko de alilanda literaturo. Antaŭ nelonge ĉi tiu fama librotrezorejo dislokigis en nova impona domo, arangita laŭ lasta vorto de moderna stilo kaj konstrutekniko. La biblioteko disponas enviindan riĉecon de la tutmonda kulturo — pli ol 3,5 milionojn da volumoj en 127 diversaj lingvoj, de la albana ĝis Esperanto.

Mian atenton antaŭ ĉio kaptis la Esperanto — fako de la biblioteko. Ĉe la katalogskatoleto mi estis absorbita en la trarigardo de la ŝliparo. Mi estis gaje surprizita renkontinte librojn, kiujn mi neniam legis — de Kalocsay, J. Baghy, F. Szilagy, E. Mihalskij, N. Hohlov. . . Sed ĉio trovita estas eldonita tro delonge! Ankaŭ revuoj estas nur malnovogaj! Entute mi kalkulis iom pli ol unu milo da titoloj.

Tamen la vivo ne staras samloke. Abunde lastatempe aperis valoraj, modelebelaj libroj ĉe diversaj Esperanto kaj aliaj eldonejoj. En granda kvanto estas eldonataj nun Esperanto-revuoj, ĵurnaloj, gazetoj belaspektaj, riĉenhavaj. Tamen ili forestas en la biblioteko. Tial mi decidis turni min al kelkaj redaktoroj kaj eldonistoj, kun la peto alsendi interŝanĝe al la biblioteko siajn superfluaĵn eldonaĵojn.

Ekzemplodone sin elmontris d-ro Stefano Bäcká, respondeca redaktoro de „Hungara Fervojista Mondo“. Li jam alsendis al la bi-

blioteko du binditajn kompletojn de l' revuo (1957—61, 1962—66) kaj du diskojn, faritajn en Budapeŝto dum la 14-a Internacia Kongreso de esperantistoj-fervojistoj. Krome li regule sandas siajn de la kuranta jaro kaj donacis kelkajn n-rojn de la bela „Hungara Vivo“, samtempe aboniginte ĝin por la biblioteko ekde januaro 1968. Estas notinde, ke la noblan iniciaton de Bäcká sekvis prof. P. Babin, prezidanto de kulturdomo de Franclandaj esperantistoj, docento — d-ro J. Wupper k. a.

Jen antaŭ mi kuŝas letero, ricevita de T. A. Jdanova, estrino de la fako pri internacia librointerŝanĝo: „ . . . En la nomo de l' Tutunia regna biblioteko de alilanda literaturo mi dankas vin pro via helpo en ricevado de libroj kaj revuoj en lingvo Esperanto“.

Oni devas gaji, ke en la biblioteko Esperanto trovas favoran rilaton. Nun estas dezirata, ke esperantistoj de la mondo, samkiel ĉiuj redaktoroj kaj eldonistoj de E-libroj, revuoj, gazetoj ktp sendu interŝanĝe al la biblioteko almenaŭ ion el ilia superflua provizo.

Adreso: Tutunia regna biblioteko de alilanda literaturo. Moskva J-240, Uljanovskaja, J. T. A. Jdanova. Por Esperanto-fako.


Aleksandr Logvin

Ĉiuj Esperanto-periodaĵoj estas petataj represi ĉi tiun eseon aŭ parton de ĝi.

INDA LOKO AL LA ESPERANTISTA KONSPIRA GAZETARO

Antaŭ nelonge la Eldonejo de la Bulgara Komunista Partio en Sofio aperigis interesan bibliograffan libron de Velčo Kovaĉev „La konspira gazetaro en Bulgario (1919—1944)“ — daŭrigo de lia granda studo sub la sama titolo, kiu aperis en la pasinta jaro. Sur siaj preskaŭ 600 paĝoj la libro enhavas notojn pri ĉiuj konataj konspiraj gazetoj, revuoj kaj bultenoj, eldonitaj de la Komunista kaj la Laborista Partioj kaj de ĉiuj ili gviditaj junularaj, sindikataj, partizanaj kaj multaj aliaj organizaĵoj kaj grupoj sur la tuta teritorio de la lando. Gravan parton en la libro la aŭtoro dediĉas ankaŭ al la Esperanto-gazetaro, unuiginta dum tiu ĉi periodo la revojn pri libero de multaj esperantistoj-kontraŭfaŝistoj, kiuj samtempe estis bravaj batalantoj en montaroj, ri-

fugigantoj, konspiraj agantoj aŭ malliberuloj. Multobligata en konspiraj stabejoj, en partizanaj terkabanoj, en mallumaj kaj humidaj ĉeloj de malliberejoj, persekutataj, konfiskataj kaj neniiĝitaj de la polico, luj el tiuj gazetoj kvazaŭ pro miraklo „ĝisvivis“ la liberigon. Pri ili ĝis nun sciis nur la redaktoroj kaj iliaj helpantoj kaj kunlaborantoj savintaj sin post la teruraj inkvizicioj. Pro sia modesteco kaj ilta konscio pri devo — trajtoj karakteraj por ĉiuj veraj herooj, ili tamen tre ofte ne taksis sufiĉe bone la grandan signifon de sia agado kaj ĝian edukkan kaj patriotisman efikon sur la junan generacion. Jen pro tio mi opinias, ke la libro de Velčo Kovaĉev, krom la multaj pozitivaj kvalitoj de diversaj aspektoj,



Sen vortoj („Pauch“—London).

Geedzaj interparoloj

Ŝi — Kial vi parolas dormante?
 Li — Ĉar nur tiam vi donas al mi tian eblecon.

*

Ŝi — Vidu tiun ĉi homon. Li ekdormis ek la komenco de la film prezentado.

Li — Ĉu nur pro tio vi vekis min?

*

Ŝi — Kial vi estas malbonaspekta? Eble vi pensas pri io malagrabla.

Li — Nur pri vi mi pensas, mia karulino

*

Li — Konfesu al mi, kiu kisis vin hieraŭ en la parko?

Ŝi — En kiu parko ĝuste?

*

Ŝi — Mi volus paroli serioze kun vi.

Li — Bone, komencu. Mi revenos baldaŭ.

En la frenezulejo

La kuracisto: — Kiamaniere vi mor-dis vian frunton?

La frenzulo: — Mi staris sur la seĝo.

*

La kuracisto: — Kial vi venis en la hospitalon?

La frenezulo: — Ĉar mi asertis, ke ĉiuj homoj estas frenezaj, dume la homoj asertadis, ke mi estas freneza. Kaj fine oni obeis al la opinio de la plimulto.

Diversaj


Oni demandis soldaton, kial li ne preparas sin iri al milito.

La soldato respondis: — Mi konas nek unu el tiuj kun kiuj mi devas militi kaj neniu el ili konas min. Tiam kial ni devas esti malamikoj.

Inter amikinoj

Ĉu vi estas feliĉa kun via edzo?

— Jes, multe. Kvazaŭ li ne estas mia edzo.



Sen vortoj

posedas ankaŭ la gravegan rolon pri „revivigo“ de tiuj unikaj atestoj pri la aktiveco de nia E-movado dum la batalepopaaj jaroj. Mi dirus: „revivigo“ de tiuj sanktajoj de la bulgara esperantistaro.

En la komentariaj notoj de la libro estas prezentitaj jenaj konspiraj esperantistaj gazetoj kaj bultenoj:

— „**Esperantska Tetradka**“ (Esperanta Kajero). Aperis en Sofia Centra Malliberejo. 1941—1942. Redaktis Asen Grigorov.

— „**Bjuletin**“ (Bulteno). Eldono de la Agitpropaganda Fakoj de la Laborista-Esperantista Sekcio en Varna. 1934. Redaktis Veselina Panova (Valja Viĉeva).

— „**Sur Posteno**“. Organo de la Esperanto-Sekcio en urbo Stanimaka (Asenovgrad). Aŭgusto, 1934.

— „**Flamo**“. Organo de la Laborist Esperantista Societo en Varna, 1934. Redaktis Veselina Panova (Valja Viĉeva) Velizar Georgiev, M. Eyrivladova k. a.

— „**Ni postenu!**“. Organo de la Esperanto-Sekcio en urbo Stanimaka (Asenovgrad). 1935.

— „**Izvestija**“ (Informoj). Eldono de la Laborista-Esperantista Fakoj (PEK) en Varna. 1934.

— „**La torĉo de la edukistoj**“. Organo de la Internacia Federacio de la Esperantista Koresponda Fakoj (IEPE). 1935.

— „**PEK**“ (Proleta Esperanto-Korespondado). Eldono de LEA-Sekcio en Plovdiv. 1935.

— „**Ŝturmulo**“. Tribuno de la proletaj esperantistoj en Plovdiv. 1935. Redaktis Hristo Gorov.

Venelin Mitev

En majo ĉ. j. en la ĉefurbo de Ukraina Soveta Respublika Kiev, ĉe la Ukraina Socleto de Amikeco kaj kulturaj rilatoj kun eksteraj landoj estis kreita Respublika Esperanto-komisiono, kiu iniciatis eldoni kvaronjare la informan pres-bultenon „Tra la Soveta Ukrainio“ en Esperanto (ĝis nun ĝi aperadis kvarlingve ukraine, ruse, angle kaj france) kun E-kronikaj informoj.

Mi ricevis la n-ro 1 (julio 1968), grandformata, stencillita, 42-paĝa. Komplilis kaj redaktis N. Adrianova. Estas en ĝi artikoloj de V. Gluŝkov, O. Minkivaskij, Nadija Adroanova, V. Sobko, krome en la literatura aldono estas versaĵoj de ukrainaj poetoj (T. Savĉenko, I. Franko, L. Ukrainka P. Tyĉina, I. Draĉ, V. Korotyĉ, M. Riiskij k. a.

Ni salutas la iniciantojn de la nova E-periodaĵo kaj bondeziras al ili sukceson.

La Ĝenerala Germana Blindula-Ligo de GDR eldonos Esperanto-Revuon. Tiu ĉi Revuo aperos kvaronjare en la Germana Centro-Librejo por Blinduloj en Leipzig. Jarabonprezo estas 3 m. g. La Revuo havos titolon

„Amikeco“

Ĝi enhavos artikolojn pri la vivo de blinduloj en GDR kaj tradukaĵojn el gravaj verkoj de l'germana literaturo. La esperantistoj estas petataj sendi siajn mendojn senpere al la „Eldonejo de la Germana Centro-Librejo por Blinduloj, GDR 701 Leipzig, Gustav-Adolf-Str. 7, Poŝtflako 245“.

En septembro kaj decembro 1968 aperos provnueroj, kiuj senpage estos sendataj al interesuloj. N. preterlasu, postuli tian provnumeron.

NOVAJ MEMBROJ DE T.E.J.A.

Ceĉa Valerio, Via Cavalle, 12, 28068 — Romentino (Navara), Italia.

Anna Talvane, Riga, Latvia SSR, Meĵapark, Ostrovski iela № 4, USSR.

Podkaminer Semen Naumoviĉ, Leningrad K-100, Karla Marksa 70, 1.73, USSR.

Andrianova Nadija Nikolaevna, Kiev — 59, ul. Artema 51/9, USSR.

Laŝkarova (Miŝenko) Irina Petrovna, Ĥmelnic-kij, ul. Mira 70, kv 59, USSR.

Ulrich Lins, Gernerkenstrasse 146. D-5, Köln-Dellbrück, FR Germanio.

NOVA SUKCESO — ESPERANTO EN LA RADIOFONIO!

Konsiderinte la multajn petojn de la Esperanto-programo de la Pola Radio en Warszawa kaj rekonante la pruvigintan valoron de la internacia lingvo en la radiofonio, kio esprimigis ĉefe en la letera reĉo, la Direkcio de la Pola Radio decidis pliampleksigi la ĝisnunan programon en la internacia lingvo de unu al tri duonhoraj disaŭdigoj ĉiutage. Tiu ĉi decido, sendube tre grava por la tutmonda Esperanto-movado, komencos esti realigata jam de la mezo de oktobro en la 1968 jaro.

Frumatene — je la 6.30 (per la meza ondo 200 m kaj mallongaj ondoj — 25,09 m, 31,45 m, 42,11 m, 50,04 m) laŭ la mezeŭropa tempo — estos elsendata la unua programo. La dua programo aŭdigos, kiel ĝis nun, je la 16.30 (per la mallongaj ondoj 25,34 m, kaj 31,60 m), kaj fine la tria programo estos aŭdebla vespere je la 23.30 (per la meza ondo 200 m kaj per la mallongaj — 25,09 m, 31,45 m, 42,11 m kaj 50,04 m). Ni atentigas, ke la matena disaŭdigo estas plena ripeto de la vespera programo.